

Info

AVS
USS
USPS



Schulinspektorat
Inspecturat da scola
Ispettorato scolastico

per persunas d'instrucziun, mainascoulas e cussagls da scoula

Nr. 3 2023/24

Part generela

Gruppas accompagnantas 'Digitalisaziun': Fin da las activitads

L'USS/AVS ho decis da terminar la lavur da las gruppas accompagnantas 'Digitalisaziun'. Il barat d'experienzas traunter las gruppas accompagnantas ho d'üna vart servieu a l'USS da survgnir datas qualitativas per s-chaffir spüertas da la furmaziun supplementera per persunas d'instrucziun scu eir pel sustegn professiunel i'l sector 'Medias ed informatica'. Da l'otra vart paun gnir definos prossems pass in connex culla digitalisaziun. Davart ün'eventuela installaziun per l'avegnir d'ulteriuras gruppas da lavur cun persunas d'instrucziun i'l sector da la digitalisaziun decida l'uffizi seguond bsögn.

Evaluaziun dal ram 'Individualisaziun'

I'l 5avel turnus d'evaluaziun (VPS 2021-26) examinescha l'inspecturat da scoula traunter oter la realisaziun dal Plaun d'instrucziun 21 GR. Parallel cullas evaluaziuns da scoula vegnan focussos tar quistas evaluaziuns quels rams chi sun gniesu introdüts nouv. In quist connex evaluescha l'inspecturat da scoula in avrigl fin gün da quist an da scoula il ram 'Individualisaziun'. In tuot las scoulas cun s-chelin sec. I vain visitada la 9evla classa. Ultra da que vegnan consultos scolaras e scolar, genituors, las persunas d'instrucziun involveadas, mainascoulas e singulas instructuras/singuls instructers d'intrapraisas da giarsunedi. In occasiun da la prosma tschantada da quartal survegnan las/ils mainascoulas infurmaziuns detagliadas.

FSI 'Sclarimaint sexual'

La SAPGR ho per incumbenza da l'USS/AVS s-chaffieu üna

furmaziun supplementera davart il tema sclarimaint sexual. Quista spüerta po gnir clamada dals purteders da scoula tar la SAPGR scu cuors FSI. Differents moduls chi's laschan cumbiner staun a disposiziun. Per ch'ün approfondimaint intensiv dals cuntgnieus possa gnir garantieu vain calculo almain ün di per elavurer ün modul. La definiziun dals cuntgnieus e la planisaziun da termin succeda i'l ram dals discuors da cussagliaziun traunter la SAPGR e las/ils mainascoulas.

[Incumbenza Widmer \(Favugn/Felsberg\)](#)

[Spüerta cuors FSI](#)



KlassenschlaGR

Il KlassenschlaGR spetta sün vus: As partecipè scu classa (4. – 9. classa) al cumbat virtuel ed as qualificchè pel finel reel a Domat ils 3 gün 2024. 14 exercizis sun pronts, e mincha classa decida svesch che scolara u che scolar chi maina il cumbat per avoir las megltras schanzas.

[Infurmaziuns supplementeras](#)



Ajer fras-ch per chos svaglios

Impustüt düraunt ils mais d'inviern illa perioda da s-chuder es que important per la sandet da der ajer cuort ed intensiv. Bun ajer ho ün effet positiv sülla prestaziun e la concentraziun da scolaras, scolar e persunas d'instrucziun. Cullas drettas imsüras paun las scoulas garantir da maniera insistent üna buna qualited da l'ajer illas localitads.

[Ulteriuras infurmaziuns e tschegns per der ajer](#)



Viedi da scoula illa fortezza dal Gottard

Il departamaint d'educaziun, da cultura e da la protecziun da l'ambient ho sustgnieu al museum Sasso San Gottardo cun ün import finanziel in occasiun dal giubileum da 10 ans. Scu cuntraprestaziun s'ho il museum oblio da spordscher bigliets d'entreda per ün predschesch'üna scoula dal Grischun visitescha las exposiziuns dal museum Sasso San Gottardo. Sül pagina d'internet dal Sasso San Gottardo as chatta ulteriuras infurmaziuns davart quista spüerta grandiusa.

[Infurmaziuns Sasso San Gottardo](#)

La valor da l'ova

S-charsdet d'ova, inundaziuns, access a l'ova, ova virtuela... l'ova es ün tema important. Cun numerusas dumandas, impuls concrets per l'instrucziun, medias d'imprender, films, exaimpels da la pratcha e spüertas per dadour la scoula güda il dossier tematic 'Ova' a respunder la dumanda 'Che influenza ho l'ova sül pajais e sia populaziun?'

Persunas d'instrucziun chattan pussibiliteds interdisciplineras per tratter quist tema fich actual cun lur scolaras e scolars da tuot ils ciclus.

[Dossier tematic 'La valor da l'ova'](#)

Dossiers tematics davart mobilited, lö da viver e migraziun

Cu as po que muanter da maniera insistenta? Che lö da viver as dessi tscherner? Perche as dessi viver utrò? Quistas e bgeras otras dumandas staun il center dals trais dossiers tematics actualisos davart mobilited, lö da viver e migraziun. La tematica significha üna bun'ocasiun da discuter ill'instrucziun davart temas actuels scu stil da viver, qualiteda vita, integraziun e convivenza scu eir müdamaint dal clima. Interessant füss que eir d'eruir la dumanda cu cha's po influenzer cun sieu egen möd da viver l'insistenza da nosa societad.

[Link süls dossiers tematics](#)

La manzina verda: Premi da l'ambient da la Svizra Orientela per iffaunts e giuvenils

Il WWF tschercha progets da l'ambient da persunas giuvnas illa Svizra Orientela. 'La manzina verda' premiescha progets d'iffaunts, da giuvenils e da giuvens creschieus in connex cul tema ambient. Il premi vain surdo mincha duos ans da las secziuns dal WWF Appenzell, Glaruna, Grischun, San Galla e Turgovia, uschè eir dal 2024. La summa dal premi da totalmaing 7'000 francs vela scu arcugnuschentscha e sustegn per las activiteds. Las megltras schanzas pel premi haun acziuns chi s'ingaschan per l'ambient. Pü innovativ e pü grandas cha las schanzas da guadagner sun! Termin per inoltrer: 3 marz 2024

[Ulteriuras infurmaziuns](#)

Campus da sted swch 2024 a Soluturn

Il 133avel Campus da sted interchantunel da 'Scoula e furmaziun supplementera svizra' ho lö dals 8 fin 19 lügl 2024 a Soluturn. Illa spüerta figüeran circa 200 cuors davart differents temas actuels da scoula. Ils cuors paun gnir reservos online.

[Infos dals cuors ed annunzcha](#)

Cordiels salüds

Chantal Marti-Müller
Mnedra USS

Philipp Hugentobler
Mneder inspectorat da scoula

Part regiunela

Termins

Data	Occurrenza	Adressos
26-01-2024	Assegnaziun provisorica	6. cl./1.R
26-01-2024	Attestat da semester	Tuots
15-04-2024	Assegnaziun definitiva	6. cl./1.R
28+29-05-2024	Examen da recuors	6. cl./1.R
06-06-2024	Occurrenza d'infurmaziun regiunela a Samedan	CS
10-06-2024	Occurrenza d'infurmaziun regiunela a Zernez	CS

[Ulteriurs termins](#)

Cordiels salüds

Inspectorat districtuel Engiadina-Val Müstair-Samignun
Bettina Salutt, Urs Kühne, Curdin Lansel

